

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 470733 24 St
Tuzla, 17.06.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „BH-BIOLINE“ d.o.o. za trgovinu i usluge Tuzla, ul. Armije R BiH, objekat Robna kuća Skojevska, poslovni prostor br. 22, nakon provedenog stečajnog postupka, donio je dana 17.06.2025. godine sljedeće:

RJEŠENJE

OTVARA SE stečajni postupak nad imovinom dužnika „BH-BIOLINE“ d.o.o. za trgovinu i usluge Tuzla, ul. Armije R BiH, objekat Robna kuća Skojevska, poslovni prostor br. 22, matični broj subjekta 1-13904, JIB: 4209804510002, račun broj; 1321002000760517 otvoren kod NLB banke d.d. Sarajevo.

Za stečajnog upravnika imenuje se Mevlida Šećerović iz Tuzle.

ZAKLJUČUJE SE stečajni postupak nad imovinom dužnika „BH-BIOLINE“ d.o.o. za trgovinu i usluge Tuzla, ul. Armije R BiH, objekat Robna kuća Skojevska, poslovni prostor br. 22, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 470733 24 St od 14.11.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „BH-BIOLINE“ d.o.o. za trgovinu i usluge Tuzla, ul. Armije R BiH, objekat Robna kuća Skojevska, poslovni prostor br. 22, a za privremenog stečajnog upravnika imenovana je Mevlida Šećerović iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 10.12.2024. godine. Iz izvještaja privremenog stečajnog upravnika i navoda datih na ročištu proizilazi da je glavni račun društva blokiran 11.03.2010. godine, a devizni račun 01.10.2018. godine. Iz potvrde PU F BiH proizilazi da društvo ima neplaćene obaveze u iznosu od 34.501,78 KM, društvo nema obaveza prema UIO BH niti ima podataka da društvo ima obaveza prema trećim licima. Društvo u svom vlasništvu nema nekretnina što je utvrđeno potvrdama ZK ureda suda i nadležne službe Grada Tuzla, u vlasništvu nema motornih vozila što je potvrđeno od strane MUP TK, a u izvještaju je navedeno da nema osnovnih sredstava, opreme niti bilo kojih drugih pokretnih stvari, niti bilo koje druge imovine. Poslovnu djelatnost je obavljalo u zakupljenom poslovnom prostoru.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 18.09.2024. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 14.01.2025. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 2.2200,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 6/25 dana 29.01.2025. godine, oglasnoj tabli suda dana 15.01.2025. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.